

შიდა ქართლის რწმუნებული მოსახლეობასთან შეხვედრებს აგრძელებს

28 თებერვალი 2021

"სოფლის მხარდაჭერის პროგრამის" ფარგლებში შიდა ქართლის სახელმწიფო რწმუნებული მამუკა სალარიშვილი ხაშურის მუნიციპალიტეტის სოფელ ქვიშხეთსა და საოკუპაციო ხაზთან მდებარე სოფელ ჩორჩანაში იმყოფებოდა, მოსახლეობას შეხვდა და მათი საჭიროებები მოისმინა. ასევე, შეხვედრას რწმუნებულის მოადგილეები და ადგილობრივი თვითმმართველობის წარმომადგენლები ესწრებოდნენ. ადგილობრივებმა იმ საკითხების შესახებ ისაუბრეს, რაც სოფლისთვის პრიორიტეტულია. მათი თქმით, აღნიშნული პროგრამა საშუალებას აძლევთ, მათი ჩართულობითა და ინტერესების გათვალისწინებით შეარჩიონ განსახორციელებელი პროექტი. როგორც ქვიშხეთის, ისე ჩორჩანას მოსახლეობის გადანაცვლებით, მიმდინარე ნელს ორივე სოფელში სანიაღვრე სისტემები მოეწყობა.

„სოფლის მხარდაჭერის პროგრამის“ ფარგლებში რეგიონში ყოველდღიურად მიმდინარეობს მოსახლეობასთან შეხვედრები. დღევანდელი შეხვედრის ფარგლებში ქვიშხეთსა და ჩორჩანაში სანიაღვრე სისტემები მოეწყობა. პროგრამის უპირატესობა იმაშია, რომ მოსახლეობა თავად არის გადანაცვლების მიმღები, ეს კი მნიშვნელოვნად აძლიერებს თვითმმართველობის პროცესს“ - აღნიშნა რწმუნებულმა. „ჩორჩანა საოკუპაციო ხაზთან მდებარე სოფელია და ადგილობრივებს ჩვენი განსაკუთრებული მხარდაჭერა სჭირდებათ. რაც შეეხება ქვიშხეთს, იგი რეგიონის ერთ-ერთი მნიშვნელოვანი ტურისტული ზონაა, რომელსაც განვითარების კარგი პერსპექტივა აქვს. სულ ცოტა ხნის წინ აქ სახელმწიფო პროგრამის ფარგლებში ახალი სასტუმრო გაიხსნა, რაც მნიშვნელოვანი შენაძენია რეგიონისთვის“ - აღნიშნა მხარის რწმუნებულმა.